



Odjeljenje 6

Slanje vrši nadležna općina glavnog prebivališta

Svim roditeljima, čija su djeca rođena u razdoblju od 1.9.2008 do zaključno 31.8.2009

Znak: ABT06-

Pred **Godina obavezne brige za djecu**
met: **2014/2015**

→ **Obrazovanje i društvo**

Referada

Obrazovanje i briga za djecu

Referentica: Gđa. Mag^a Draschbacher
Tel.: (0316) 877- 3684
Faks:(0316) 877- 2136
E-Mail: kin@stmk.gv.at

U dopisima za odgovor molimo
navedite poslovni znak
(Geschäftszeichen - GZ)

Graz, dana 11. oktobra 2013

Poštovani roditelji/poštovani staratelji!

Od početka godine vođenja brige za djecu 2010/2011 u državi Štajerskoj za djecu u zadnjoj godini vođenja brige prije nastupanja školske obaveze vrijedi godina obaveznog vođenja brige za djecu.

Za **godinu vođenja brige za djecu 2014/2015** već sada se izdaju sljedeće informacije:

Obaveze roditelja

- **Svi roditelji, čija su djeca rođena u razdoblju od 1.9.2008 do zaključno 31.8.2009, obavezni su da do 30. aprila 2014 općini glavnog prebivališta djeteta saopće, koju će ustanovu za vođenje brige o djeci njihovo dijete u godini 2014/2015 posjećivati.**

Roditelji mogu slobodno birati ustanovu, koju će njihovo dijete posjećivati. I ako dijete trenutno već posjećuje ustanovu za vođenje brige o djeci, traženi podatak mora biti saopćen. To samo onda nije obavezno, ako će dijete posjećivati ustanovu vlastite općine prema mjestu prebivališta, na primjer općinski dječji vrtić općine u kojoj se nalazi prebivalište. Posjećivanje privatne ustanove za vođenje brige o djeci u svakom slučaju mora biti saopćeno općini, u kojoj se nalazi prebivalište. Roditelji mogu najkasnije do 30. aprila 2014 podnijeti zahtjev za dodjelu mjesta na općini u kojoj se nalazi njihovo prebivalište.

Pažnja, poseban slučaj Graz:

Na osnovu organizacije vođenja brige o djeci u Grazu vrijedi sljedeće:

- Roditelji, čija djeca s glavnim prebivalištem u Grazu pohađaju ustanovu za vođenje brige o djeci u Grazu (svejedno da li je javna ili privatna), ne moraju se nigdje javiti, jer se ova djeca registriraju u centralnoj bazi podataka.
 - Roditelji, čija djeca sa glavnim prebivalištem u Grazu pohađaju ustanovu za vođenje brige o djeci izvan Graza, moraju potrebne navode javiti odjeljenju za obrazovanje i integraciju grada Graz, „tvoj Graz“ – platforma za obrazovanje djece i vođenje brige o djeci, Keesgasse 6, 8011 Graz, Angelika Lichtenberg, tel.: 0316/872-7442, Email: angelika.lichtenberg@stadt.graz.at.
- U okviru godine sa obaveznim vođenjem brige za djecu su roditelji (staratelji) obavezni pobrinuti se da njihovo dijete, koje ima glavno prebivalište na području Štajerske, tokom godine prije nastupanja školske obaveze pet dana u tjednu barem po pola dana posjećuje institucionalnu ustanovu za vođenje brige o djeci primjerenu uzrastu djeteta (dječji vrtić, proširena grupa djece, dječji dom).
 - **Izuzeta razdoblja:**
 - a. Školski raspust i dani u kojima nema nastave
 - b. Opravdana spriječenost djeteta: Godišnji odmor (najduže tri tjedna), bolest djeteta ili roditelja (staratelja) i izvanredni događaji.
Roditelji (staratelji) ustanovu moraju neodložno obavijestiti o svakom slučaju spriječenosti djeteta. Ukoliko postoje konkretne sumnje u bolest djeteta, nadstojnik/ica ustanove može od roditelja (staratelja) zatražiti liječničku potvrdu. Nakon tri tjedna u svakom slučaju mora biti predočena liječnička potvrda.

Reguliranje izuzetih razdoblja analogno tome također vrijede i u slučaju kada dijete, za koje vrijedi obaveza vođenja brige, odlazi kod osobe koja vrši dnevno čuvanje. Liječničke potvrde u tom slučaju moraju biti predate dotičnoj osobi koja vrši dnevno čuvanje (dadilji/odgojiteljici), ili poslodavcu ove osobe.

- **Opravdani razlozi za izuzeće obaveze posjećivanja:**
 - a) **Prijevremeni polazak u školu:** Ovu okolnost kao razlog za izuzeće obaveze posjećivanja roditelji moraju **najkasnije do 30. aprila 2014** prijaviti općini na čijem je području glavno prebivalište djeteta (to vrijedi i za djecu nastanjenu u Grazu, nadležnost: odjeljenje za obrazovanje i integraciju grada Graza, tvoj Graz – platforma za obrazovanje i vođenje brige o djeci – vidi gore). Odgovarajuća potvrda škole mora biti priložena.
 - b) **Djeca, kod kojih bi zbog hendikepa, iz medicinskih razloga, odnosno zbog udaljenosti ustanove od njihovog mjesta stanovanja ili uslijed otežanih okolnosti odlaska do ustanove za vođenje brige o djeci posjećivanje ove ustanove predstavljalo neprihvatljivo opterećenje (za dijete):**
U ovim slučajevima **najkasnije do 31. decembra 2013** mora biti podnesen obrazloženi zahtjev i upućen službi okružne uprave nadležnoj prema glavnom prebivalištu djeteta. U slučaju hendikepa ili postojanja medicinskih razloga po mogućnosti treba priložiti stručno mišljenje liječnika specijaliste. Zahtjev mora biti podnesen u općini prema glavnom prebivalištu djeteta, te će neodložno biti proslijeđen nadležnoj službi okružne uprave, jer rok ove službe za donošenje odluka počinje teći već od trenutka dostavljanja zahtjeva. Služba okružne uprave mora donijeti rješenje o tome, da li postoji osnova za priznavanje

A8010 Graz • Karmeliterplatz 2

Mi Vam od ponedjeljka do petka od 8:00 do 12:30 sati i po telefonskom dogovoru stojimo na raspolaganju

Sredstva javnog prijevoza: Bus linija 30, stajalište Karmeliterplatz

DVR 0087122 • UID ATU37001007 • Landes-Hypothekenbank Steiermark: BLZ: 56000, br. računa: 20141005201
IBAN AT375600020141005201 • BIC HYSTAT2G

izuzeća, a o svojoj odluci mora da obavijesti i općinu u kojoj se nalazi glavno prebivalište djeteta.

- c) **Isključiva briga za djecu kod dadilje/odgojiteljice:** Ovaj razlog za izuzeće roditelji moraju prijaviti **najkasnije do 30. aprila 2014** na općini glavnog prebivališta djeteta (vrijedi i za djecu koja žive u Grazu, nadležnost: odjeljenje za obrazovanje i integraciju grada Graz, tvoj Graz – platforma za obrazovanje i brigu za djecu – vidi gore). Za ispunjavanje obaveze pohađanja obim vođenja brige kod osobe koja vrši čuvanje mora iznositi najmanje 20 sati sedmično. Odgovarajuća potvrda poslodavca ove osobe mora biti priložena.

Pažnja: Godina sa obaveznim vođenjem brige za djecu u slučaju isključivog čuvanja kod dadilje/odgojiteljice za vođenje brige u trajanju od pola dana nije principijelno besplatna kao što je slučaj u institucionalnoj ustanovi za brigu o djeci.

- d) **Briga o djeci u okviru kućnog odgoja:**

U ovim slučajevima **najkasnije do 31. decembra 2013** mora biti podnesen zahtjev službi okružne uprave nadležne prema glavnom prebivalištu djeteta, u kojem treba vjerodostojno predočiti, da zadaci obrazovanja kod kuće mogu biti na odgovarajući način obavljani. Zahtjev mora biti predan na općini, u kojoj se nalazi glavno prebivalište djeteta, a općina zahtjev treba neodložno proslijediti nadležnoj službi okružne uprave, jer njihov rok za donošenje odluke počinje teći već u trenutku dostave zahtjeva. Služba okružne uprave mora donijeti rješenje o tome, da li su uvjeti iznimnog slučaja ispunjeni, a o svojoj odluci mora obavijestiti i općinu, u kojoj dijete ima prijavljeno glavno prebivalište.

Sve obavjesti o godini s obavezom vođenja brige za djecu možete pronaći i na Internetu na stranici www.kinderbetreuung.steiermark.at. I **ogledni formular za prijavu općini glavnog prebivališta** tamo možete pronaći.

Sa srdačnim pozdravima
Za vladu države Štajerske:
Voditelj odjeljenja:
u.z.:

Mag. Franz Schober

Prilog:

Ogledni obrazac za prijavu općini, u kojoj je prijavljeno glavno prebivalište